

Hiika islaamaa fi Laa Ilaaha Ill-Allah haala kitaabaatiin

Description

Dhimmi hundarra barbaachisan amanti ofii sirnaan beekuu fi odeefannoo gahaa qabaachudha. Namni amanti ofii sirnaan yoo hin beekin, dukkana jireenyaa keessatti kufuun dhama'a. Dhugumatti, hiika Islaamaa fi Laa ilaah illallah beekun dirqama nama hundaati. Sababni isaas, namni addunyaa tana keessatti gammachuun kan jiraatuu fi Aakhiratti adabbii jalaa nagaha kan ittiin bahuu hiika Islaamaa fi Laa ilaah illallah beekke hojii irra yoo oolche qofaadha.

Namoonni baay'een hiikni Islaamaa maali? Laa ilaaha illallah jechuun maal jechuudha? Jedhamanii yommuu gaafataman, deebii deebisuuf ni rakkatu. Kuni takkaa beekumsi kana isaaniif ibsuu isaan bira hin geenye ta'a takkaa immoo beekumsa kana barbaadu irraa ni garagalan. Rakkoo kanaaf furmaata fiduuf kitaabni kuni haala salphaan kan qophaa'edha. Kitaaba kana keessatti hiika Islaamaa, Tawhiida, gosoota isaa, hiika Laa ilaah illallah fi ulaagaalee jecha tanaa ni argattu. Kuni hundi Qur'aana fi hadiisa sahiih irratti kan hundaa'edha.

Kitaaba kana "Mana kitaaba Al-Tawba" Masjiida Anawaar biratti argamuu keessatti ni argattu. Gara masjiida Anawaar seenuuf yommuu taatan gara mirgaatti yommuu mil'attan mana kitaaba At-Tawba ("??-??? ????-**Al-Tewba Bookstore**" jedhu ni argitu. Namni gara Finfinnee dhufu hin dandeenye warra kitaaba gurguranitti kitaaba kana agarsiisuun akka isaaf fidan gochuu danda'a.

Islaamni amanti haqaa Rabbiin gabrootaa isaatiif fila-
teedha. Namni amanti kana yoo hordofe qofa jireenya
addunyaati fi jireenya boodaatti (Aakhiratti) milkaa'a.
Sababni isaas, Islaamni Rabbii fokkicha qofaaf akka gadi
jedhan ajaja, wantoota birootiif gadi jechuu fi gabra
ta'uu irraa ni dhoowwa, seera ittiin bulmaataa guutuu
qaba, eessarraa ka'anii eessa deemu akka qaban
namatti hima. Dhugumatti, kuni hundi bilisummaa fi
tasgabbi namaaf kenna. Ilimi namaa gammachuu fi
tasgabbiil argachuuf halkanii guyyaa carraaqa. Islaamni
karaa qajeelaa wanta barbaadan kana ittiin argatani-
idha. Qur'aana keessatti: "**Nageenyi nama qajeelfama
hordofe irratti ta'a.**" (Suuratu Xaahaa 20:47) Kana jechu-
un nageenyi fi tasgabbiin nama qajeelfama Rabbiin
buuse hordofe irratti ta'a. Kanaafu, namni addunyaa fi
Aakhiratti milkaa'u fi tasgabbiil argachuuf Islaama
beekuu fi hordofuun isarra jira.

"Islaama jechuun maal jechuudhaa? Laa ilaaha ill-Allah
jechuun maal jechuudhaa? Ulaagaaleen Laa ilaaha
ill-Allah maal ta'aa? Ibaadaa jechuun maal jechuud-
haa? Akkamitti Laa ilaaha ill-Allah hojii irra oolchaniif?"
jennee of gaafachuun keenya hin oolu. Eeyyen kunniin
gaafilee sirrii ta'anii fi namni deebii sirrii barbaaduuf car-
raaqa qabuudha. Kitaabni kuni gaafilee kanniinif haala
salphaan deebii deebisa.

HIIKA ISLAA FI LAA IIAAHA IL

فَمَا تَاللهِ وَلَا تُلْبِغُوا الشُّرَكَاءَ فَتُفَرَّقَ بَيْنَكُمْ عَنْ سَبِيلِهِ ۚ

"Kuni karaa Kiyya qajeelaa
kanaafu isa hordofaa. Karaa
hordofinaa karaa isaatiiraa
suuti." Suuratu Al-An'aan

Qophii: Jibriil Ab

www.sammubani.com @jireenyabadaatu http://t.me/sammubani

Date Created
July 7, 2021
Author
admin